

Cadmo libros supponi potuisse concedit, negat potuisse Milesio, grammaticorum neglexit testimonia, quibus litterarum inuentorem ex Phoenice factum esse Milesium iam Muellerus probauit.

At immerito in eiusdem suspicionis communionem uocatus est Acusilaus Argiuus. Cuius genealogias haud raro a ueteribus usurpatas nihil esset quod in dubitationem adduceret, nisi apud Suidam (u. Ἐκαταῖος) legerentur verba τὰ Ἀκουσίλαου τοῦθεύεται idemque quae de uita Acusilai habet satis mirabilia essent. Unde profecti Muellerus (l. d. I p. XXXVII sq.) qui posteriore tempore ferebantur Acusilai libros Alexandrinorum aetate confectos esse censuit, Carolus Frick (Beiträge zur griechischen Litteraturgeschichte und Chronologie p. 3 sq.) dubitari non posse iudicauit, quin Neoplatonicus quidam eam fraudem commiserit, Gutschmidius denique (in Flachii Hesych. Onomat. p. 7) Platonis certe aetate non posse fraudem quam et ipse statuit recentiore esse intellexit: ita tamen falsarius iste a uero Acusilao satis exiguo temporis spatio distaret atque ea aetate libros illi supposuisset, qua eiusmodi fraudes factas esse neque ullo exemplo probatur neque omnino credi posset, etiamsi notum sperneremus Galeni testimonium in Hippocr. de nat. hom. I, 42 u. XV p. 105 K. Sed uidentum est de Platonis loco ceterisque de Acusilai principio festibus paullo accuratius. Platonis uerba in Symposio sunt haec p. 178 AB τὸ γὰρ ἐν τοῖς πρεσβύτατον εἶναι τίμιον· τεκμήριον δὲ τοῦτον· γονῆς γὰρ Ἔρωτος οὔτ' εἶσιν οὔτε λέγονται ὑπ' οὐδενὸς οὔτε ἰδιώτου οὔτε ποιητοῦ, ἀλλ' Ἡσίοδος πρόωτον μὲν Χάος φησὶ γενέσθαι

αὐτὰρ ἔπειτα

Γαί' ἐρόσπερος πάντων ἔδος ἀσφαλὲς αἰεὶ

ἠδ' Ἔρος.

Παρμενίδης δὲ τὴν Γένεσιν λέγει

πρώτιστον μὲν Ἔρωτα θεῶν μητίσαστο πάντων.

Ἡσίοδος δὲ καὶ Ἀκουσίλαος ὁμολογεῖ. Explicatius de Acusilao testimonium est apud Damascium περὶ πρώτων ἀρχῶν c. 124 p. 383, quem locum paullo plenius quam a Muellero factum apponi necesse est, quo magis pateat, quantum in errorem implicatus sit Frickius, qui indubia ratione nodum expediuisse sibi uidebatur. Ἀκουσίλαος δὲ inquit Χάος μὲν ὑποτίθεσθαι